

閩媛典第二百九十九卷

閩節部列傳一百八十一

皇清三十二

英祥啟妻宋氏

按費縣志宋氏英祥啟妻夫死於兵氏年二十二守節六十四年終

胡開源妻孟氏

婦傳氏附

按費縣志孟氏胡開源妻開源亾孟撫遺孤慎備歷艱苦慎長娶傅氏

生二子敬承志承孟亾未幾慎亦沒時傳年尙少復勵志苦守截膊斮面卒撫二子成立

姚振揚妻郭氏

按費縣志郭氏明諸生姚振揚妻年未二十夫亾守節五十餘年撫兩月遺

孤成立三喪並舉爲人所難

王式金妻朱氏

按費縣志朱氏廩生王式金妻年二十夫亾氏苦守遺孤事姑孝謹合學屢

舉節孝皆堅辭不受教子如劬入庠年六十卒

張化乾妻周氏

按費縣志周氏張化乾妻夫亾氏年二十七守三歲遺孤至死不二卒年六

十五

韓一貫妻劉氏 按丘縣志劉氏韓一貫妻年二十二夫亾子被掠守節五十四年七十六歲卒

曹孟春妻魏氏 按丘縣志魏氏曹孟春妻年二十一夫亾子甫八月守節五十餘年終

劉嘉遇側室范氏 按丘縣志范氏按察使劉嘉遇側室年十四事劉十一載劉沒于官子纔十齡劉故廉宦無所遺范恐嫡出子有疑倒示篋笥任其處分姑纈衣布歷年家益匱乏甘之無怨康熙十八年縣令旌其節年七十三終

孫法堯祖母馮氏

婦趙氏附

按高唐州志馮氏孫法堯祖母與堯母趙氏先後孀居皆年二十喪

夫矢志堅守姑嚴勵其婦婦孝事其姑兩世貞操如出一轍

劉洵妻王氏 按高唐州志王氏劉洵妻洵死闖逆之亂氏抱夫屍慟哭賊怒砍數刀死而復甦守一歲兒紡績度日二十九年教子景仁于康熙六年入庠

丁爾祥妻高氏 按冠縣志高氏諸生丁爾祥妻爾祥病亡氏年二十一遺子鉅甫三齡值凶荒寇亂家貧如洗朝不謀夕氏堅志守節紡績餬口訓子讀書鉅早歲有聲士林氏年七十有

五有司嘉其節旌表

申之煥妻張氏 按冠縣志張氏申之煥妻明季土寇猖獗煥死于兵氏爲所刼哭罵不從被歐幾死幸而復免時年二十一無子或勸改適誓死靡他家甚貧依其伯父與姪紡績自給饑寒無怨年六十餘苦操如一日

朱大明妻吳氏 按冠縣志吳氏朱大明妻明于順治五年遭土寇死母年望六子方在抱氏年未三旬矢志守節孝姑撫子家貧力勤紡績不厭糠粃兩姪幼喪父母恐其零落加意撫恤俱克成立公舉表其門

郭璵妻魏氏 按冠縣志魏氏貢士郭璵妻早寡課子成名冰霜苦節數十年如一日壽躋期頤子姓繁衍學使旌之

陳編妻徐氏 按冠縣志徐氏陳編妻年十八夫死號泣欲自盡賴翁姑切勸乃屏去簪珥矢節終身撫孤名列膠庠奉翁姑養生送死曲盡其禮學使旌之

朱大倫妻安氏 按冠縣志安氏朱大倫妻倫病沒氏年二十二哀痛欲隨地下念翁老子幼

女方襁褓若死上下無所依倚遂矢志守節以婦代子以母兼父甘旨無缺教訓有方公舉表其門

馮希異繼室趙氏 按冠縣志趙氏馮希異繼室年十八希異病亡氏矢志守節事繼姑盡孝撫前子克慈子長成名有令譽里人咸欲公舉表揚氏力却而止

宋明浩妻孫氏 按冠縣志孫氏宋明浩妻浩病亡氏年二十七哀慟幾不欲生念子幼誓不改節母子熒熒日惟縫紵績紡以餬其口年七十餘邑令憐其苦節旌之

睢璋妻閻氏 按臨清州志閻氏舉人睢璋妻睢沒哭夫喪明終身素服不改苦節二十餘年東昌道屢旌其門

鄭天眷妻姜氏 按臨清州志姜氏鄭天眷妻事翁姑至孝夫亡絕粒不食欲殉子光引率二弟長跪哭慰累日乃起強食茹蔬果終身年七十終州人稱節孝

王學會妻閻氏 按臨清州志閻氏庠生王學會妻年十七歸王未三載曾沒家甚貧紡績事姑克盡婦道苦節六十七年壽八十四州守旌之

鄭文炳妻丁氏 按臨清州志丁氏鄭文炳妻年十七適鄭夫沒教子五人皆成立苦節四十

二年七十八歲終

胡氏女 按臨清州志胡氏女許聘喻援喻病死欲隨父母往弔父母不可阻之不得遂至喻
柩前拜畢曰請易服吾不歸矣兩姓親戚勸之曰無悞終身女泣曰必如是吾當剪髮剜目而
死卒易服不歸三年服除無病而逝遠近莫不嘆息縉紳學士咸爲文以祭州守爲詩弔之請
具題旌表

胡尙恭妻劉氏 按臨清州志劉氏胡尙恭妻年十九歸胡事姑甚謹夫亡遺幼孤二長悉宴
次悉寧方離懷抱泣曰余不難從夫地下但無奈一孤何也遂停柩于家訓子攻讀一如嚴父
子入庠方濱明末世亂負夫像挾子避兵路逢健卒欲刃其次子劉厲聲曰殺吾兒安用生爲
乃以首觸石卒感動子得不死後寧成己丑科進士擢給事中氏曰吾可以對吾夫矣苦節四
十二年八十一終有司旌其門

王來聘妻汪氏 按臨清州志汪氏衛輝同知王來聘妻早寡守節力貧課孫苦守三十年完

節終身

陳光祖妻劉氏 按臨清州志劉氏庠生陳光祖妻年十七歸陳數年陳歿劉哀慟不食乘間投繯家人救免苦守三十餘年完節終身

張宗憫妻盧氏 按臨清州志盧氏庠生張宗憫妻年十七適張事姑至孝二十九夫亡無子力貧守節四十五年獨處一樓嘗曰吾歿於斯會吾夫于九泉足矣

柳倫妻朱氏 按臨清州志朱氏庠生柳倫妻勤儉篤孝終身茹素夫亡孀居二十六年衆論歸之訓子壽登辛卯鄉薦

楊虛聖妻張氏 按臨清州志張氏庠生楊虛聖妻性勤儉簪燈佐夫攻書夫歿誓不二志年七十三有司旌表

雲茂桂繼妻柏氏 按臨清州志柏氏庠生雲茂桂繼妻年十九歸雲撫前室子如己出內外稱賢夫沒家貧苦節四十年有司旌之年七十九終

鄭賓妻周氏 按臨清州志周氏庠生鄭賓妻賓早亡周年二十九事舅姑至孝撫育幼孤守

節三十餘年

汪元度妻程氏 按臨清州志程氏汪元度妻年十五適汪事姑盡孝度早亡茹藥守貞勤織經撫二孤成立年七十餘州守旌之

閻山妻李氏 按臨清州志李氏閻山妻山雙目失明李以女紅易粟餬口山病貧不能延醫李剪髮市藥及亡李年二十八守節不嫁繼經兵火負孫肅遠遁年八十終

余可習妻韓氏 按臨清州志韓氏余可習妻年二十九夫沒撫前室子躍無異己出教躍攻書嘗曰須修德省身而後不辱先人也苦節五十餘年終

李明奇妻柏氏 按臨清州志柏氏李明奇妻年十七歸李九載夫亡欲自盡親戚慰止之撫孤上苑織經佐讀嘗曰汝能成名卽吾所以報汝父也苦節四十年終

呂應時妻郝氏 按臨清州志郝氏處士呂應時妻呂病亡郝年二十九艱苦備嘗事姑以孝持家以儉撫養二子及孫皆成立次子鳳強由太學授平陽縣令守節四十二年歿州守旌之柳亮妻趙氏 按臨清州志趙氏庠生柳亮妻年十七適柳未幾柳沒無子苦節四十三年終

有司旌表

胡悉靖妻張氏

按臨清州志張氏胡悉靖妻夫亡孀居撫孤四十年有司屢旌其門

何德彰妻張氏

按臨清州志張氏庠生何德彰妻年二十七夫亡姑張氏亦孀居家赤貧氏

力女紅奉養姑年九十起居飲食忻然承歡至老不懈鄉里欽其節孝州守旌之

郭鏜妻王氏

按臨清州志王氏郭鏜妻年二十夫亡守節撫二子讀書及長子參任太平別

駕氏惟家居孝養翁姑年七十終

馬永年妻盛氏

按臨清州志盛氏馬永年妻夫亡苦節四十一年丸熊教子寒暑不輟輿論

嘆服以子鎮官贈太安人

王泰亨妻張氏

按臨清州志張氏王泰亨妻年十六適王二十二夫死家貧舅姑俱耄張克

盡孝思撫遺腹成立苦節四十餘年終

許時中妻汪氏

按臨清州志汪氏許時中妻年十七適許苦節五十四年壽八十六終

胡之蛟妻張氏

按臨清州志張氏諸生胡之蛟妻年二十五夫歿守節四十餘年

鄭承芳妻樂氏 按臨清州志樂氏處士鄭承芳妻鄭歿自縊姑張氏救止之紡績教子州璽

中己亥進士苦節四十餘年州守表其門

宋見周妻許氏 按濮州志許氏宋見周妻夫亾氏年二十四誓不欲生姑姊諭之勉起事姑以孝聞及姑沒辦喪具如禮撫嗣子以延宗祀年六十餘終

周夢周繼室趙氏 按濮州志趙氏周夢周繼室年十七歸夢周纔月餘夢周亾氏撫夫前室子世隆成立又撫夫之孤姪希顏宏功恩如己子氏沒希顏宏功服喪三年報之如己母

邢樞妻王氏 按濮州志王氏邢樞妻年十四歸邢夫亾氏年二十六誓欲殉死其母以姑老子幼爲勸乃不死孝姑育子以壽終有司旌之

王廷瓚妻楊氏 按濮州志楊氏王廷瓚妻瓚早亾氏年十九守節孝事其姑年七十餘卒

李煙妻陳氏 按濮州志陳氏李煙妻夫亾氏年二十八苦節堅貞克繼夫志夫兄逼改嫁刺面斷髮矢死靡他事聞旌表

張問善繼室張氏 按濮州志張氏張問善繼室夫死氏年十七前室子守恪甫三歲氏盡心

撫育教之讀書入庠年七十四州守旌表

羅冕妻張氏 按濮州志張氏儒士羅冕妻年十九夫亡撫遺腹子際臣教以耕讀際臣強歲病亡又撫孤孫逢吉成立年七十餘以壽終

李雲冲妻宋氏 按濮州志宋氏諸生李雲冲妻年十九夫病亡無子誓死不二遇凶荒掇野蔬爲食矢志彌堅郡人公舉州守旌其門

呂希簡妻王氏

妾劉氏附

按濮州志王氏廩生呂希簡妻希簡亡王年二十八生一女妾劉年二

十一無出撫姪光陞爲嗣並守節終身州守表其閭

張子松妻李氏

按濮州志李氏張子松妻夫亡氏年二十六孀居苦守屢值凶荒甘食糠粃

孝事舅姑撫養二子成人年八十二卒州守表其門

張文俊妻王氏

按觀城縣志王氏張文俊妻年二十二夫亡遺子標方三歲家貧守節紡績

撫孤年六十餘卒有司旌表

侯昌祚妻趙氏

按觀城縣志趙氏侯昌祚妻及笄于歸未幾夫死於疫無子生計惟艱日不

再食苦守終身縣令旌表

張惟虞妻姜氏 按觀城縣志姜氏儒生張惟虞妻夫遊學河南病亡訃聞慟絕復甦不食數日遣子洞宸甫數月親戚勸進飢粥乃強起撫孤過歲凶艱辛萬狀憂苦而沒洞宸中壬子經魁

張三全妻田氏 按觀城縣志田氏諸生張三全妻夫亡舅姑年邁遺子沂三歲氏號泣欲殉姑誠曰爾若死我兩老人何託幼穉亦無所依氏因強食事翁姑終老訓子入庠年六十餘卒岳孀妻張氏 按觀城縣志張氏諸生岳孀妻舅姑至孝夫亡遺子慶德尚幼甘粗糲衣布素冰霜勵志訓子入庠年六十卒

張洹繼室姜氏 按觀城縣志姜氏諸生張洹繼室妾出子已長氏子方襁褓洹亡氏績紡度日不失教養事孀姑葉氏三十年如一日後子歿氏抱孤孫晝夜啼泣而卒臨歿囑媳錢氏曰善繼吾志據牀向姑叩首以不能終養爲恨

文星偉妻李氏 按觀城縣志李氏諸生文星偉妻年二十八夫亡長子大召亦歿遺次子二

召甫六月氏撫養成立既娶夫婦相繼沒氏獨守終身

黃金鏐妻孫氏 按觀城縣志孫氏黃金鏐妻適黃四年夫亡舅姑痛子幾絕氏跪請曰夫歿有媳在可侍奉孫世永已踰週歲媳誓無他志也孝養二親皆踰七十而終

王光履妻楊氏 按觀城縣志楊氏諸生王光履妻年十九夫亡遺一女甫數月氏剪髮毀容誓不改節通邑皆稱苦節

郭維城妻牛氏 按朝城縣志牛氏郭維城妻年十六適城未三載夫亡遺腹七月伊父勸改嫁氏力拒之誓死無他卒撫孤成立以壽終

賈宣宇妻王氏 按朝城縣志王氏諸生賈宣宇妻年十五適宣以勤儉相夫及夫歿子尚幼屢爲族里所欺氏堅貞訓子以繼夫志長子世忠以弱冠入國學次世貞垂髫入泮構譽者始輯備歷艱危苦節四十餘年壽七十一而卒

史文英妾白氏 按朝城縣志白氏耆民史文英妾嫡室早亡文英亦喪氏年二十六遺一子一女子旋殤氏撫弱女守節備歷諸艱卒不易志年六十五終

周之教妻李氏 按朝城縣志李氏周之教妻年二十夫亡苦守六十餘年卒

劉中妻邢氏 按朝城縣志邢氏廩生劉中妻適劉五載夫遭變不屈死氏矢志靡他一日歸見母有憂色問故母曰慮汝無所恃以終身也氏變色不顧而去不歸寧者數載貧而無子備歷艱苦而節操不移

張我志繼室高氏 按朝城縣志高氏廩生張我志繼室年十六適志二十三夫亡苦節修行孀居三十餘載邑令表其門

賈鍾禧妻邵氏 按朝城縣志邵氏廩生賈鍾禧妻孝子邵椿女年十六適禧二十九夫亡遣一男甫三歲紡績度日撫孤長成年五十二苦節二十餘年

孟仁民妻尹氏 按朝城縣志尹氏孟仁民妻年二十夫亡子兆旗甫二歲時值兵荒苦節自矢堅守兆旗髫年入庠人稱苦節

孟兆鵬妻孫氏 按朝城縣志孫氏孟兆鵬妻年二十五夫亡無子女矢志靡他紡績度日孝事舅姑歷三十五年

司鼎衡妻郭氏 按朝城縣志郭氏司鼎衡妻年二十二夫亾上無翁姑下無子女依孀母同居家無寸土屢經凶荒而守志不變歷三十餘年終

張雲鶴妻魏氏 按朝城縣志魏氏諸生張雲鶴妻秉性純良舅姑妯娌皆相愛無間年二十五夫亾堅貞自誓撫育幼子紡績以供膏火歷三十餘載

孫纘妻茂呂氏 按朝城縣志呂氏增生孫纘茂妻年未三十夫亾勵節訓子以端母儀勤奉甘旨以盡婦道歷四十餘年始終如一長子長庚入庠

孫繡妻謝氏 按朝城縣志謝氏廩生孫繡妻年二十九夫亾撫育二子家貧紡績以供子讀書衣食恆不給炊烟常斷單服禦冬更遭兵荒矢志不改苦節三十餘年次子士斐入庠

李根滋妻熊氏 按朝城縣志熊氏李根滋妻年十八適滋二十七夫亡遺孤甫三歲堅節自矢上事舅姑下撫孤幼勤劬艱苦歷三十餘年如一日課子光玉爲諸生

熊淑繹妻于氏 按朝城縣志于氏諸生熊淑繹妻年十五適繹二十夫亾撫兩幼子以自守屢遭兵荒誓無他志苦節歷三十餘載

王喜一妻邵氏 按朝城縣志邵氏王喜一妻年十九適喜生子四日夫病篤焚香祝天願以身代及歿哀泣濱死者數四毀容垢體孀居三十餘載年五十終

郭朱藩妻陳氏 按朝城縣志陳氏諸生郭朱藩妻年二十三夫亡遺孤方在提抱撫養成立敬事舅姑子繼垂髫入庠

邵心尼妻王氏 按朝城縣志王氏邵心尼妻年二十八夫亡無子室如懸磬堅節自守三十餘年

徐明性妻常氏 按朝城縣志常氏徐明性妻年二十七夫亡姑老子幼屢欲自盡鄰里勸止事姑嫜撫幼子苦節六十餘年以壽終

劉芳聲妻孫氏 按朝城縣志孫氏諸生劉芳聲妻年十八適聲二十三夫亡家貧無出父母勸改適氏力拒之以死自誓時值凶荒飢寒切膚而志操愈堅苦節三十七年終

郭大官妻李氏 按朝城縣志李氏郭大官妻年十九夫亡上無舅姑下無兄弟獨抱幼子守節三十九年

江世薰妻邢氏 按朝城縣志邢氏江世薰妻年十七適薰五年夫亡子甫三歲矢志靡他翁先喪事姑以孝聞撫子以慈子中槩爲邑廩生苦節四十八年

江世華妻徐氏 按朝城縣志徐氏江世華妻年十六適華四年生一女夫亡其家令改適氏誓死不從或私勸之正色叱曰吾有姑在堂何相逼乃爾引刀欲自刎勸者謝而止

牛邦便妻霍氏 按朝城縣志霍氏牛邦便妻年二十餘夫亾遺子成新甫三歲霍苦守之長娶媳朱氏未幾成新沒氏與媳相依矢志苦操久而彌堅年七十五守節五十餘年

牛成新妻朱氏 按朝城縣志朱氏牛成新妻適新九載夫亾家貧無出孝事孀姑姑媳相依飢寒共守始終不二年六十苦節三十五載邑令旌之

魏懸妻遂氏 按朝城縣志遂氏魏懸妻年十六適懸五載夫亾無子女家徒壁立永無他志資紡績度日枵腹不移年七十餘守節五十餘載

邵震妻王氏 按朝城縣志王氏邵震妻年二十一夫亾遺子幼舅姑垂白事上克盡婦道撫孤幼無忝母儀繼姑孟氏病篤氏祝天借壽舅年九十卒繼姑亦八十而終凡棺槨衣衾俱紡